

## NAQQIUT

Naqqiut ulloq 21. oktobari 2015-imeersoq allannguutissatut siunnersuutaa ilaatillugu taarserpaa

**Pinartumik napparsimasoqartillugu ilaquataasut K benhavnimi kalaallit peqqissartut najugaqarfianni ineqartinneqartillugit ineqarnermut aningaasartuutit 2016 aallarnerfigalugu pisortanit akilerneqartalernissaat sulissutigeqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaq Mimi Karlsen, Inuit Ataqatigiit)

### Akissuteqaat

(Peqqissutsimut Naalakkersuisoq)

### Aappassaaneerpeqarnera

Naalakkersuisut Naqqiummi ulloq 21. oktobari 2015-imeersumi immikkoortup aappassaaneerlugu oqaluuserineqarnissaanut aalajangiiffigisassatut siunnersuummut allannguutissatut siunnersuuteqarput imaattumik:

“Naalakkersuisut 2016-imi upernaakkut ataatsimiinnissamut saqqummiussissapput aningaasartuutaasinnaasutut naatsorsuutigisat pillugit naatsorsuutininik, imaalissappat napparsimasunut tassanngaannartumik napparsimalersimasunut ilaquuttat qanigisaasut K benhavnimi Kalaallit Peqqissartut Illuanni ineqartinneqartut, K benhavnimi peqqissartut illuanni najugaqarnerminnut atatillugu, najugaqarnerminni aningaasartuutitik pisortanit matussusertittassagaat Inatsisartut aalajangiiffigisassaattut siunnersuut.”

Tamatuma kingorna Inatsisartunut ilaasortat tassaasut: Inatsisartunut ilaasortaq Tillie Martinussen, Demokraatit, Inatsisartunut ilaasortaq, Agathe Fontain, Inuit Ataqatigiit, Inatsisartunut ilaasortaq Jess Svane, Siumut, Inatsisartunut ilaasortaq, Laura T un j k, Siumut, Inatsisartunut ilaasortaq, Ineqi Kielsen, Siumut, Inatsisartunut ilaasortaq, Ane Hansen, Inuit Ataqatigiit, Inatsisartunut ilaasortaq, Mimi Karlsen, Inuit Ataqatigiit, allannguutissatut siunnersuutivimmummut allannguutissatut siunnersuut una saqqummiuppaat:

*“Pinartumik napparsimasoqartillugu ilaquataasup ataatsip K benhavnimi kalaallit peqqissartut najugaqarfianni ineqartinneqarnerani ineqarnermut aningaasartuutit 2016 aallarnerfigalugu pisortanit akilerneqartalernissaat sulissutigeqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut.”*

Naalakkersuisut siunnersuut imatut paasivaat maannakkut atuutereersup saniatigut suli annertunerusumik qanigisanut tunngatillugu aaqqissuussisoqarnissaanik kissaateqartoqartoq, tamatuma kingornatigut tassanngaannartumik inuunerminnik navianartorsiortut qanigisaminnik ingiallorteqarsinnaalissallutik. Taamaalilluni allannguutissatut siunnersuummi qanigisaasut annertusineqarput tassa napparsimasut inuunermik navianartorsiortitsisumik nappaateqartut, siunissami pisinnaatitaaffigilissammassuk qanigisaminnik ingiallorteqarnissartik K benhavnimi uninnganerminni. Akerlianik siunnersuut qanigisamut ataatsimut ingiallortaasinnaasumut killilerneqarluni, tassa K benhavnimi Kalaallit Peqqissartut Illuanni ineqarnerminut aningaasartuutini pisortanit matussusertittalissagai.

Naalackersuisut nuannaarutigaat politikikkut atituumik isumaqatigiittoqarsinnaanera innuttaasut taamak inuunerminni atukkaminnik artornartorsiortillugit. Naalackersuisulli tikkuartariaqarpaat aningaasaqarnikkut kinguneriumaagassaat ataatsimiititaliap allannguutissatut siunnersuutaanniittut tamarmiusutut ersarissarneqarsimannimmata. Taamaattorli januaari 2016 tikitsinnagu ajornakusuusaaq naatsorsuinermit tunngavissat tamakkiisut aamma naammaginartut pissarsiarissallugit, kiisalu piffissami matumani aaqqissuussinermik aningaasalersuinissamut sulii nassaartoqanngilaq. Nalilerneqarporli aningaasaliissutissat 18. mio koruuninik ataatsimut isigalugu pisariaqartitsisoqarumaartoq oqartussat karsiinit soorlu Namminersorlutik Oqartussat Kommunillu karsiinit, missingersuinermi ilaapput angalanermit aningaasartuutit kommunit akiligassat, naatsorsuutigineqarmat Danmarkimut angalanissaminnut aningaasaqarnikkut ikiorserneqarnissaminnut qanigisaasut amerlassusaat ilisimaneqanngitsoq kommuninut qinnuteqarumaanera malittarisassat nutaat tunngavigalugit.

Naalackersuisut siunnersuut assut iluarisimaarpaat tamannalumi Ilaqutariinnermut Peqqissutsimullu Ataatsimiititaliap isumaliuutissiissutaanni erserineqarpoq. Kisianni tamatumunnga ilutigitillugu Naalackersuisut misigisimapput erseqqissaassutigissallugu tulleriiaarinerup iluani aningaasat killeqarmata. Naalackersuisut isumaqarput Peqqinnissaqarfimmi aningaasat pigisavut tulleriiaartariaqarivut napparsimasunik passussinermut kiisalu tamatuma kingunerisaanik peqqinnissaqarfiup pingaarnertut suliaasaqarfiani pitsaassutsimik pitsanngorsaaniissamik qitiutitsilluta.

Taamaattumik Naalackersuisut sulissutiginiarpaat napparsimasut inuunerminnik navianartorsiortitsisumik nappaateqartut Københavnimi Kalaallit Peqqissartut Illuannut inissinneqartut qanigisaata ataatsip ineqarnerminut aningaasartuutai pisortanit matussuserneqartalernissaat. Taamaattorli januaari 2016 tikitsinnagu ajornakusuusaaq naatsorsuinermit tunngavissat tamakkiisut aamma naammaginartut pissarsiarissallugit, kiisalu piffissami matumani aaqqissuussinermik aningaasalersuinissamut sulii nassaartoqanngilaq.

Taamaattumik Naalackersuisut naatsorsuutigaat napparsimasumik ingiallortaasarnissamut aaqqissuussinerup nutaap Aningaasaqarnermut Akileraartarnermullu Ataatsimiititaliamut saqqummiutissallugu aningaasaliissuteqarnissaq akuersissutigittinniarlugu aaqqissuussinermut atuutilersinneqannginnerani. Naalackersuisut Inatsisartut tamatumunnga tapersersuinissaat neriutigaat.

Naalackersuisut isumaqarput tamanna Ilaqutariinnermut Peqqissutsimullu Ataatsimiititaliap isumaanut aamma naapertuuttoq Ataatsimiititaliammi isumaliuutissiissummini oqaatigimmagu inuiaqatigiinni oqartussaaffiit allat suliaasaqarfiillu assigalugit nunatsinni peqqinnissaqarfik aningaasaqarnikkut akisussaaffeqarnerunermik atuivallaannginnerunissamillu takutitsisariaqartoq. Peqqinnissaqarfiup suliaasaqarfiini aningaasartuutinik kiffartuussinermillu pingaarnersuineq pingaarnertut napparsimasunut siunnerfiusaaq.

Siunnersuut akuerineqarsinnaanngilaq aningaasaqarnikkut kingunerisassai taamatut isikkoqartillugit aalajangersimasumik aningaasaliissutissanik peqartinnani. Taamatut isikkoqartillugu aalajangiunneqarnissaat missingersuutini matussusiinissat eqqarsaatiginagit akuersissutigineqassappat Naalackersuisut anguniagaat ukiut sisamat ingerlanerini aningaasaqarnikkut oqimaqatigiissumik ingerlatsinissaq piviusunngorsinnaassanngilaq Aningaasanut Inatsisissaq 2016-imi.

Taamaammatt Naalackersuisut siunnersuutigaat aappassaaneerinnineq unitsinneqassasoq siunnersuut Aningaasaqarnermut Akileraartarnermullu ataatsimiititaliamit suliarineqartussanngorlugu

ataatsimiititaliaq ilassutitut isumaliutissiissutikkut aalajangersimasumik aningaasaliissutissanik siunnersuuteqarnissaminut periarfissinniarlugit.

Taamatut oqaaseqarluta Naalackersuisunit inassutigaarput allannguutissatut siunnersuutip akuersissutigineqarnissaa.